

## Transkription von Urkunde HWI 1494b

Ort, Datierung: Wismar, 1494-05-03

Signatur: Stadtarchiv Wismar, XVIII, K

Inhalt: Henneke Ranen: Unterweisungsbitte an den Rat der Stadt Wismar

---

Mýnen denst mit vormoge alles guden . Erszamen vnnd vorsichtigen heren vnd(e) / guden frunde .  
sunder tweuel js Jw wol bewust . Ick In der vasten nelikest / vorghangen . mit todade Curdt Sperlinges  
van wegghen mýnes ma(n)nes hans / Bussen . de mý sunder wetent vnd(e) willen enttagghen . vnd(e) In  
Iuwer Stadt / sick enthholdende is vorhandelinge hadden . dar sulues denne In Iuw(er)  
Iegghen/wardicheit wart bededinget vnd(e) bespraken . dat de sulue hans busse twissche(n) / der tijdt  
vnd(e) palmen sondage . mýn erue wedder besetten , ofte darsulues / wedder üp theen scholde deme  
noch so nicht geschen is welk he mý doch / dorch Brant Bussen synen Broder . lauen lêth to holdende  
, wo dem(e) allen Is / myne flitige Bede , gý den genanten Brandt Bussen Iuwen Borgher mýnen /  
louer so willen vnderrichten vnde holden he mý holde . wo he mý vor sinen / broder gelauet hefft ,  
Also dat desulue sin broder sunder lengher thogeringe / mýn erue dar he wo vorbororet aff getagghen is  
besette edder sulues wedd(er) / towane dat mher scriuendes derhaluen an Iw ok furder kost vnd(e)  
theringe / to donde nicht dorff van noden sie , dat wil Ick v(mme) Iw wor Ick kan vnd(e) / mach mit  
flite g(er)ne vordenen , Bidde des Iuwe richtige bescreuen antwort / bi duss(e)m Iegghenwardigen bade  
almechtich beuolen . Dat(um) stuke am(me) / auende Inuentio(nis) cruc(is) anno etc(etera) xciiij /

Henneke Ranen